



Synfocity = 502

mail us at : mzsynfo@gmail.com; mizoramsynod@gmail.com - Phone - 2314648

28th August, 2014

□ Ramthar Ni

August 31, 2014 (Pathianni) hi Ramthar Ni a ni a, Mizorama Presbyterian Kohhranrawn dintu Rev. David Evan Jones (Zosaphluia) Mizorama rawngbawl tura a lo thlen ni a nih vangin Mizoram Presbyterian Kohhran tan Ni pawimawh bik a ni. Kum 1972 Mizoram Synod Inkhawmpui chuan, Synod Ramthar Board-in, 'August ni 31, Pu Zosaphluia Mizorama a lo thlen ni hi Synod Ramthar Ni atan hman ni se', tia a rawtna chu pawmin kum 1973 atang khan August 31 chu Ramthar Ni atan hman tan a lo ni ta a ni.

Mizorama Chanchin tha rawn thlentu hmasa ber (Pioneer Missionary) Rev. William Williams chuan Khasi rama a thawh laiin Syhlet lama Mizo lung in tangte hnen atanga Mizote chanchin a lo hriatin Mizorama kal duhna a nei ta a. Kum 1891 March 20 khan Aizawlah a lo kal a, Mistiri leh kut hnathawka inhlawhfate hnenah Pathian thu hrilin tract te a sem a. Mizoram chanchin hi Welsh ramah a zu sawi a, Welsh Presbyterian Mission chuan kum 1892-ah Mizoram chu Missionary tirh luhna atan a thlang ta a. Rev. William Williams hi tirh an tum a, mahse vanduaithlak takin a thi ta mai si a. Mi thar an dap leh a; Theological College-a an zirtir chungin hun a lo vei hman a. Hetih lai hian Arthington-a mi tirh Rev. F.W. Savidge (Sap Upa) leh Rev. J.H. Lorraine (Pu Buanga) te kha an lo chhuak a, kum 1894, January 11-ah Mizoram an lo thlang a; Welsh Presbyterian Mission tirhin Rev. D.E. Jones (Zosaphluia) hi kum 1897, August 31-ah a lo thlang ve leh ta a ni.

Mizoram Presbyterian Kohhran chuan kumin (2014) Ramthar Ni pual hian tum hnih inkhawm atan programme a siam a, chawhnu inkhawmah thupui atan 'Thawk zêl la, i thawhah lawm rawh' (Sam 126:5-6; Jn 4:34-38; 1 Kor 3:5-8; 15:58) tih an hmang ang a, zan inkhawm thupui atan 'Zân a lo thlang dawn, thawk r'u' (Jn 9:4; 17:4; Tim 4:6-8) tih an hmang ang.

♦ Ramthar Ni (August 31) hian Synod Mission Board thawktute Kohhran hrang hrangah hun hmangin an insem darh dawn a, Missionary trainees ten an tawiamw baw ang. Zin turte chu :

Kalna tur Kohhran	Kal chhuak turte
♦ Zamuang Bial	- Rev. Lalchhuanmawia, SMB Secretary
♦ Thingsul Tlangnuam	- Rev. P.C. Pachhunga, Executive Secretary
♦ Luangmual West	- Upa Lalrinmuana, SMB Coordinator
♦ Khanpui	- Upa Denghmingthanga, BEC Member & Pu H. Vanlalchhuanga, Supervisor of Schools, SMB
♦ Zawngin	- Upa H. Ngurkhuma, Pensioner & Pu Lalbiakenga Fanai, SMB Asst. Coordinator
♦ N. Vanlaiphai Venglai	- Upa Lalhmingthanga, Mission Promoter
♦ Darlawn	- Rev. Lalbiakvulmawia, BEC Member & Pu Lallawmnakima Hmar, SMB Staff
♦ Sihfa	- Rev. C. Chawngliana, BEC Member & Pu C. Kapthanga, SMB Staff
♦ Tuikhuahtlang	- Pu C. Lalzawmliana, SMB Promoter
♦ Samlukhai	- Upa Vanlalchhunga, BEC Member
♦ Venghlun, Chhiahtlang	- Pu R. Lalchhanhima, SMB Staff

□ PBS Farewell & Dedication Service wawi 31-na

August 26, 2014 chawhnu dar 1:00 khan Presbyterian Bible School (PBS) chuan Pi Zaii Hall, Synod Conference Centre-ah Farewell & Dedication Service wawi 31-na an hmang.

Dedication Service programme hi Synod Moderator Rev. K. Lalhmuchhuakan kaihruiin hunserh a hmang a, Rev. Vanlalzuatan Presbyterian Bible School-a thawktute, Board member leh zirlaite inhmelhriattirna hun a hmang a, PBS Principal Rev. R. Lalengmawian report a pe baw. Rev. Lalrinmawia, Board Member-in zirlaite hnenah Certificate a hlan a, Rev. K. Lalhmuchhuakan thuchah sawiin Pathian hnenah zirlaite hlanna hun a hmang a, zirlaite hnenah lawmman a hlan baw. Session 30-na (January – April, 2014) atangin zirlai ti thate hnenah Pu C. Awithanga Award - Christian Theology leh Church Administration Subject-a mark hmu sang berte hnenah pek tan an ni a, Pu C. Awithanga fanu Pi Lalbawii, Republic Vengin he Award-te hi a hlan a ni. Zir chhuakte tana tawngtaisakna hun Upa Lalthianghlima, Board Member-in a hmang a, Rev. Dr. K. Lallawmzuala, Board Member leh zirlai atangin thusawi tawi ngaihthlak a ni baw. NI. Jenny V.L. Dinpuii, Chanmari West a zai baw. Rev. R. Lalsawtan lawmthu sawina hun a hman zawhah chairman-in malsawmna sawiin a tin a ni.

Presbyterian Bible School hi kum 2004 May thla atangin tan a ni a, a din tan tirh atangin zirlai 1365 zinga 1137-in an zirchhuak tawh a. Session 31-naah hian zirlai 61 an awm a, chung zinga 53 chuan zir tluan chhuakin an pass a; First Division-ah 31, Second Division-ah 14, Third Division-ah 2, Simple Pass 6 leh Exam lo 8 an awm baw.

Tun tuma ti tha zual top 3 te chu:-

1. Laltanpuii D/o Lalremsiama (L), Zotlang Kohhran, Champhai
2. Lalbiakzuala S/o Vanlalchhunga, Kawnpui Chhim Veng Kohhran
3. C. Lalbuangi D/o Thangkuala (L), Mission Vengthlang Kohhran

Presbyterian Bible School atanga zir tam berte hi rawngbawlina tangkai takah an inhmang zui hlawm a, Sunday School zirtirtu, missionary, social worker-te hna thawk an awm nual a. B.Th, B.D leh B.Miss. zawm thahnem tak an awm baw. Tin, Synod Revival Speaker leh team member tam zawkin Bible School atang hian an zir chhuak tawh baw.

□ FG&CC Counselling Training khar

Mizoram Synod, Family Guidance & Counselling Centre (FG&CC)-in Kohhran hruiatute puala August 13, 2014 atanga Synod Conference Centre-a Church Leaders' Intensive Residential Pastoral Care & Counselling Training wawi 21-na a buatsaih chu August 26, 2014 (Thawhlelni) zan khan 'Final Evaluation & Graduation Service' neiin khar a ni.

Training kharna hun hi Synod Moderator Rev. K. Lalhmuchhuaka chuan a hmanpui a, training chhuakte hnenah Certificate semin thuchah a sawi. He Counselling Training-ah hian Pastor Bial 7 atangin Kohhran aiawh 31 an tel a ni. Training kharna inkhawm hi Rev. Lalramliana Pachuau, Executive Secretary, i/c FG&CC in a kaihrui a, Rev. R. Lalhmingthanga, Director, FG&CC-in FG&CC rawngbawlina report a pe a. Training chhuakte chuan training an hlawkpui dan a lema an ziak chu entirin an hrilhfiha a, Upa H. Khawlmawia'n training te aiawha thu sawiin, Luangmual Pastor Bial Zaipawl an zai baw.

Contd...

He hun hmanpuitu Synod Moderator chuan training chhuakte fuihna thu sawiin, "Rawngbawlna ki pui ber pakhat chu midangte tanpui hi a ni a, mahni hrehawm pawisa lova, Kohhran mite ngaihsaka, an harsatnaa tanpuitu ni thei tura inbuatsaih zel hi thil pawimawh tak a ni," a ti a, training chhuakte pawh harsatna tawkte tanpuina kawngah nasa zawka inbuatsaih zel turin a fuih bawk.

FG&CC Director report-in a tarlan danin, FG&CC hian Pastor-te pualin Pastoral Care & Counselling Training hi wavi 23 buatsaih tawhin, Pastor 391 training a neihpui tawh a. Church Leader-te puala kum 2002 atanga training a neihpui tawhah, tun tuma mite nen hian Kohhran hruaitu 401 Training pek an ni tawh bawk a ni. Tin, Synod hian Counselling Centre pali - Mission Veng, Chanmari, Vaivakawn leh Champhai Vengthlangah te a nei a. Heng Counselling Centre pali-ah hian kumin August 26 thleng khan pantu (Client) mi 10,270 nei tawhin kumin bikah pantu mi 1,606 an nei tawh bawk.

❑ **Beihruual**

Presbyterian Kohhran chuan September 1, 2014 atang hian Beihruual thla an hmang tan ang. September 1 - 7 chhung hian 'Ramthar Hapta' hman a ni ang a, September 22 – 27 hian 'Kristian Chhungkaw Hapta' hman a ni bawk ang, September 28-ah 'Nu leh Pa Ni leh Kristian Chhungkaw Ni' hman a ni ang. Beihruual hi kum 1918 June thla atanga hman tan a ni a, kum 1925 atangin September thlaah neih thin a ni ta a, kum 1947 atangin Nilai Zan Thupui Bu leh Beihruual Thupui hi bu khata siam tan a ni.

❑ **Music**

September 1 - 9, 2014 chhung hian Tahan-ah Choir Conductors Training neih a ni 'dawn a, hemi neihpui tur hian Pu Lalromawia, Senior Music Instructor leh Pu Benjamin Sailo, Music Instructor te an kal.

❑ **Synod Mission Board**

◆ September 3 - 12, 2014 chhung hian Home Mission South Tlabung Bial School tlawh turin Pu H. Vanlalchhuanga, Supervisor of Schools a kal ang. A zin chhung hian Tuichawng, Tlabung, Diblibagh, Tuikawi, Malsury, Putlungasih leh Zawlpui School te a tlawh ang.

◆ Arunachal West Field Working Committee wavi 98 na August 27, 2014 a Itanagar-a neih chuan Baptisma chang thar neih dan hetiangin a tarlang : August 2014 thla bikah Puitling - 33; Naupang - 31; Total = 64. Kumin (2014) chhunga Baptisma chang tawh zawng zawng chu Puitling - 154; Naupang - 145; Total = 229 an ni.

❑ **MSSU**

August 30, 2014 (Inrinni) hian Zemabawk East Kohhranah Sunday School Zirtirtu Training neih a ni dawn a, hemi neihpui tur hian T.Upa Lalthahluna Ralte, MSSU Asst. Coordinator leh Upa K. Vanlalngbaka, Ramhlun East (MSSU Trainer) te an kal ang. Zan Pathian biak inkhawmah Upa K. Vanlalngbakan fanau enkawl (Child Evangelism) chungchang thuchah a sawi ang.

❑ **Kohhran Hmeichhia**

August 26 - 29, 2014 hian Presbyterian Women Fellowship (PWF) Committee, Shillong-a tel turin Pi K. Lalliantluangi (PWF Chairperson), Pi H. Lalpianthangi leh Pi C. Lalneihthangi (PWF Standing Committee Member) te an kal.

❑ **Social Front**

February - July, 2014 chhunga Synod Rescue Home rawngbawlna tlangpui hetiang a ni :

Damlo enkawl	Mipa	Hmeichhia	Total
◆ Admit zawng zawng	109	19	128
◆ Tlan chhuak	30	1	31
◆ Dah chhuah	4	-	4
◆ Hruai chhuah	3	0	3
◆ Released	63	12	75
◆ Tuna awm	39	10	49

❑ **Hruaina Eng FM Radio & TV Programme**

◆ **AUGUST 29 (FM Zoawi Aizawl @ 7:30 p.m.) :**

Solo : PC Lalremruati - An hawi kir ngailo, **Choir** : TBZ Choir - Ka Rawn Inhlan E, **Thuchah** : Upa Lalrammawia Ngente - Tunlai khawvel leh kristian nun 1, **Solo** : B Tea - Nitinin, **Choir** : Mizoram Synod Choir - Aw Isu,min kai ang che

◆ **AUGUST 29 (FM Lunglei @ 7:30 p.m.) :**

Solo : PC Lalremruati - An hawi kir ngailo, **Choir** : TBZ Choir - Ka Rawn Inhlan E, **Thuchah** : Upa Lalrammawia Ngente - Tunlai khawvel leh kristian nun 1, **Solo** : B Tea - Nitinin, **Choir** : Mizoram Synod Choir - Aw Isu,min kai ang che

◆ **AUGUST 31 (TV Programme @ 3:00 p.m.) :**

Zaipawl : Tlangnuam Bial Zaipawl - Thih ni hmel, **Sermon** : Rev. Zosangliana Colney - Ramthar Ni Thuchah, **Solo** : H. Lalremruati - I ta ni se, **Naupang Pual** : Joy Bells - Chanmari Kohhran, **Mizo hnam lam & thil dang** : PC Girls School

❑ **Susamachar Prasaran Programme**

AUGUST 31 (Pathianni) 5:00 pm. Hindi Gospel Programme (Susamachar Prasaran) :

Group/Choir/Solo : Durtlang Masihi Sangati - Halleluiahs Chorus, **Group/Choir/Solo** : Hunthar Kohhran - Ibadat Karo, **Sermon** : Rev PC Rohlira - Isu masi pita ke pas me pongni ke lye rajta, **Group/Choir/Solo** : Chawnpui Kohhran - Saron Ka Gulab, **Group/Choir/Solo** : Central PYF Choir - Krus Par

❑ **Synod Moderator Programme**

Synod Moderator Rev. K. Lalhmuchhuaka chuan tunkar tawpah hetiang hian hun a hmang ang :

- ◆ August 30, 2014 (Inrinni) Zan : Farkawn Chhim Veng Kohhran
- ◆ August 31, 2014 (Pathianni) Chawhma : Thekte Kohhran
- ◆ August 31, 2014 (Pathianni) Chawhnu : Thekpui Kohhran
- ◆ August 31, 2014 (Pathianni) Zan : Farkawn Kohhran

KTP QUIZ HRIATTIRNA

Synod Information & Publicity Department-in Aizawl khawpui Presbytery huam chhunga Branch KTP te pual KTP Quiz 2014 a buatsaih tura tel tum te tan August 31, 2014 hmian Synod Office-a in report tur a ni e.